

太上靈寶淨明玉真樞真經

丹陽子學道於扶桑之宮 悟真于瓊樓之城 受豐隆之正炁 飲
沆淦之至精 回盼太空 接待玉清 登洞神之庭 得玉真之經 其
言淵澄 了性達心 足以鍊炁 足以飛神 唯神悠悠 三界內外
皆可平步而升 孰謂道不可學 唯不倦思微而後至 仙不可求 唯
不疑定性而後能 真聖不可見聞 唯誠恪淑潔而後接 虛空不可游
泳 唯虛恬端靖而後悟 得玉真之樞者 元綱正 元綱正 則步趨
言辯之間 可以參對天真皇人也

夜坐淨明心性靈 騰空飛飛上三清
存想星壇在中庭 忽然乘虛身外身
真人傳呼金詔明 敕吏瑤爵有玉精
清風飄飄雲凝凝 直步大魁入七星
迴旋出於熒惑庭 朝東暮西見吾君
輪轉無色見仙人 億兆真仙相送迎
重犯火兮度箕斗 三十二天皆謁了
不知妙理在玄玄 此見寶圖在魁躔

太上靈寶淨明玉真樞真經

清微藏書閣

更有至微非言傳 常思頂上五色煙
煙雲溶溶合自然 忽變忽化無停更
或相鶴舞雙龍翔 或思天賜玉霞漿
玉真之香真膚肉 骸骨可使歸天堂
玉真之炁搖空洞 廚舍可使到上方
玉真之液變異味 百好可使朝天王
上有九玄下七孫 立地可使乘雲屯
元綱飛步不可闕 行之既久可轉功
元綱不是正西東 或高或低鳶舞風
鳶舞風兮觀太空 太空險處是罡風
中有魔王大神通 手攜雙簡腰角弓
不問賢否攝羅豐 須得清淨正炁攝
苟不佩籙遭磨礪 弟子記之佩吾戒
八極修為不可怠 苟虧忠孝神不護
送下洞神千萬數 莫說淨明無寸功
方奏名字升仙公 不知仙公係仙籙

足可步武到神宮
我當奈何為汝哭
無使神魂自淪逐
想意要在有端靜
便是玉真樞要境

汝不樂道墮五濁
分明勤讀玉樞經
玉真本在想中立
是知淨明常了了

太上靈寶淨明玉真樞真經竟

天運辛卯年戌月正一天師清微弟子洪鼎堅率門人

羅大英 安羅飛恭錄彙編

太上靈寶淨明玉真樞真經

清微藏書閣